

Эски шаҳар ижрокўмининг ёрдами билан ўзбек давлат труппаси ва кишлик «Турон» биноти яхши йўлга солиниб келмакдadir. Ижрокўмдан белгиланган вакилларнинг ташаббуси орқасида ҳозир «Турон» сахнасининг декоратсиялари учун икки рассом ишлаб турадир. Сахнанинг бошқа кам-кўстлари учун яна иккита дурадгор уста солинди. Бундан сўнг сахнада қор, ёмғир ёғдириш, ой-кун чикориш, шамол, булут кўзготиш, ёруғлик, қоронгилик қилиш учун керак бўлган асбоблар буюртилмоқдadir. Шу ишларнинг ҳаммаси январнинг яримларида тамом бўлгусидир.

Декоратсияларнинг кўпайиши, жиҳозларнинг ортиши сахнанинг тузалиши натижасида Эски шаҳар халқи январ ойидан бошлаб гоят жиддий ва зўр санъат асарларини томоша қилмоққа муваққат бўладилар. Январ ойида декоратсия ва янги жиҳозлар билан тўла мукамал қилиниб ўйналатургон асарлар шунлардир.

7 ва 8 январда турк адибларидан Шамсиддин Сомибекнинг қадим эрон асотиридани олиб ёзган «Коваи оҳангар» отли томошаси 14 январда машҳур немис адиби Шиллернинг «Макр ва Муҳаббат»и, 16 январда мазкур адибнинг «Босмачилар»и, 21 ва 22 январда Гоzi Юнуснинг Эрон асотирига оид «Захҳои Морон»и, 28 январда яна Шиллернинг «Босмачилар»и қўйилгусидир. Бу асарлар маданий миллатларнинг энг юқсак сахналарида ҳам кўп ўйналатургон, жиддий ва оғир нарсалардир. Бунларни ўйнамоқ, халқ олдида шу қадар жиддий нарсаларни жонлантириб кўрсатмақ бизнинг ёш труппамиз учун қатта бир имтиҳон қабидир. Ўзбек труппаси шу нарсаларни ўйнамоқ билан ўз қучига бир қўриш (маневра) ясаб ўтқан бўладир.

Ўзбек труппаси феврал ойи ва ундан сўнгги ойлар учун ҳам «Фарҳод ва Ширин», «Ёркиной», «Чин Темур ботир», «Узунқулоқ бобо», «Шайх Санъон» қабии жиддий асарларни белгиламишдир.

---

Ўзбек давлат труппасида — «Янги Фарғона», 1928 й. 22 октябрь.

Муваққат — матбаа хатоси бўлса керак, муваффақ.

Қадим очун — қадимги дунё, антик дунё.

Шиллер (1759—1805) — немис шоири, драматурги, санъат назариётчиси. «Босмачилар» — тўғрироғи, «Қароқчилар» драмаси 1781 йилда, «Макр ва муҳаббат» 1784 йилда ёзилган.

«Фарҳод ва Ширин» — Хуршид пьесаси.

«Узунқулоқ бобо» — мақола мазмунидан англашиладики, Чўлпоннинг мазкур пьесаси сахналаштирилган ёхуд шунга тайёр бўлган.

«Чин Темур ботир» — бу ўринда қайси асар назарда тутилганини аниқлашга муваффақ бўлмадик.